

Morning Dogri (NSD) Bulletin 28-06-2024

आकाशवाणी

- राष्ट्रपति हुंदे अभिभाषण पर संसद दे दौनें सदनें च धन्नवाद प्रस्ताव पर चर्चा अज्ज शुरू होग।
- लेफ्टिनेंट गवर्नर मनोज सिन्हा हारे अज्ज जम्मू थमां अमरनाथ श्रद्धालुएं दे पैहले जत्थे गी कश्मीर लेई रवाना कीता। एह सलाना जातरा कल पहलगाम ते बालटाल थमां शुरू होग।
- दिल्ली च मौहलेधार बरखा करी जनजीवन प्रभावत-केई इलाके च बड़ा मता पानी भरोची गेदा ऐ जिस करी गड़्णिं दी आओजाई पर माड़ा असर पेआ ऐ।
- अमरीका च राष्ट्रपति चुनां शा पैहले होने आली बैहसू च अमरीकी राष्ट्रपति चुनां शा पैहले होने आली बैहसू च अमरीकी राष्ट्रपति जो बाइडन ते साबका राष्ट्रपति डोनाल्ड ट्रम्प आमने-सामने होए।
- मर्दे दे आई.सी.सी टी-20 क्रिकेट विश्व कप दे कल खेड्डे गेदे दुए सेमीफाइनल मुकाबले च ारत नै इंग्लैंड गी हराइयै फाइनल च अपनी थाहर बनाई लैती ऐ।
- भारती ट्रैक एथलीट किरिन पहल नै अगले म्हीने पेरिस च होने आली ओलंपिक खेड्डे लेई महिलाएं दे 400 मीटर द्रौड़ मुकाबले लेई क्वालीफाई करी लैता ऐ।

<><><><><><>

Prez. Address

राष्ट्रपति द्रौपदी मुर्मू हुंदे संसद दे दौनें सदनें दे सांझे अभिभाषण पर अज्ज संसद च धन्नवाद प्रस्ताव उप्पर चर्चा शुरू होग। संसद दे दौनें सदनें दी सांझी बैठक च अपने संबोधन दौरान कल उनें सरकार दी प्राथमिकताएं पर लोह पाई। उनें आखेआ जे कृषि, षेयरी ते मच्छी पालन आले उद्योगें दा विस्तार कीता जारदा ऐ।

राष्ट्रपति होरें आखेआ जे सरकार निर्पक्ख जांच ते पेपर लीक होने दे हालिये मामले दे दोषियें गी सख्त सजा देग। करसानें बारें बोलदे होई राष्ट्रपति होरें आखेआ जे लौहके करसानें गी भंणारण दी दिक्कत औंदी ऐ ते इस भेठा सरकार नै दुनिया च सारें शां बड्ठा भंणार घर बनाने लेई योजना पर कम्म करना शुरू करी दिता ऐ। उनें सरकार आस्सेआ ढांचागत विकास बारें बी गल्ल कीती ते आखेआ जे प्रधानमंत्री ग्राम सड़क योजना तैहत ग्राम सड़क योजना तैहत पिछले 10 बरें च 3 लक्ख 80 जहार किलोमीटर शा मती ग्रामीण शिड़कें दा निर्माण कीता गेआ ऐ। भारतीय न्याय संहिता जेदे अगले म्हीने पैहली तरीक थमां लागू होंग, बारें बोलदे होई राष्ट्रपति होरें जोर देइयें आखेआ जे हुन न्याय गी सजा थमां पैहले प्राथमिकता दिती जाग। राष्ट्रपति हुंदे संबोधन दौरान किश सांसदें नीट परीक्षा मामला, मणिपुर हिंसा ते होरनं किश मुद्दें गी लेइयें संसद च हंगामा कीता।

<><><><><><>

R.S Oath

बिहार, झारखं ते मध्य प्रदेश दे 6 नमें चुनोए दे सांसदें अज्ज राज्यसभा सदस्य दे तौर पर सगंध लैती। इनें नमें सांसदें गी राज्यसभ दे सभापति जगदीप धनखड़ होरें सगंध दोआई। कांग्रेस सांसद अखिलेश प्रसाद सिंह, जे.एम.एम दे ाँ .सरफराज अहमद ते बीजेपी दे प्रदीप कुमार वर्मा, बंसीलाल गुर्जर, माया नारोलिया ते बालयोगी उमेशनाथ होरें सदन दे सदस्य दे तौर पर सगंध लैती।

<><><><><><>

Amarnath-Yatra

लेफ्टिनेंट गवर्नर मनोज सिन्हा होरें अज्ज बड्ठलै जम्मू दे भगवती नगर आले आधार शिविर थमां 4 जहार 603 अमरनाथ श्रद्धालुएं दे पैहले जत्थे गी श्री अमरनाथ जी दी जातरा लेई कश्मीर गितै रवाना कीता।

एह तीर्थ जातरा कल कश्मीर घाटी दे पहलगाम ते बालटाल आले आधार शिविरें थमां शुरू होग। श्रद्धालुएं दे पैहले जत्थे गी अज्ज जम्मू थमां घाटी लेई रवाना करदे मौके एल.जी होरें आखेआ जे पिछले 3-4 बरें दरान श्रद्धालुएं लेई बड़ी सारी सुविधां उपलब्ध करोआइयां गेइयां न ते ऐगती बी सब्बै जरूरी तैयारियां ते सुरक्षा दे निग्गर प्रबंध कीते गेदे न। अज्ज जम्मू थमां रवाना होए दे पैहले जत्थे च कुल 3 ज्हार 631 मर्द, 711 महिलां, 237 साधु, 15 साध्वियां ते 9 बच्चे शामिल न। 115 गड्ढिएं दे काफिले च कुल 1 ज्हार 933 श्रद्धालु बालटाल लेई जिसले के 116 गड्ढिएं दे काफिले च कुल 2 ज्हार 670 श्रद्धालु पहलगाम लेई रवाना हाए न जित्थुं ओह कल श्री अमरनाथ जी दी जातरा शुरू करंगन। एहदे शा पैहले कल दिनै लेफ्टिनेंट गवर्नर मनोज सिन्हा होरें पहलगाम जाइयै उत्थे श्रद्धालुएं लेई कीते गेदे बंदोबस्ते दा जायजा लैता हा ते कल चिरें संझा एल.जी होरें जम्मू दे भगवती नगर आधार शिविर दा दौरा लाइयै उत्थे कीते गेदे प्रबंधं दी बी समीक्षा कीती ही।

<><><><><><>

Delhi-Rain

राश्ट्रीय राजधानी दिल्ली च तेज बरखा कारण जनजीवन प्रभावित होआ ऐ जेदे कन्नै शहर दे किश इलाकें च पानी किट्ठा होई गोआ ते यातायात पर बी माड़ा असर पेआ ऐ। राजधानी च अज्ज बड्ढलै थमां बरखा होआरदी ऐ। कल राजधानी दे केई इलाकें च तेज बरखा होई जेदे कन्नै लोकें गी भीषण गर्मी थमां किश राहत थहोई। अज्ज बड्ढलै दिल्ली ब्हाई अड्ठे दे टर्मिनल-1 पर छतै दा इक हिस्सा िग्गने करी 6 लोक जख्मी होई गए ते गड्ढियें गी बड़ा मता नुकसान पुज्जा। बड्ढलै 5 बज्जिये 30 मिंटे पर छत िग्गी पेई जेदे मगरा दिल्ली फायर सर्विस दी 4 गड्ढियां मौके पर पुज्जिया।

दिल्ली ब्हाई अड्डे दे प्रवक्ता होरें दस्सेआ जे टर्मिनल-1 थमां आओजाई पर रोक लाई दिती ऐ ते एहदे कन्नै गै सुरक्षा उपायें दे तौर पर चेक इन काउंटर बी बंद करी दिते गए न।

<><><><><><>

America Prez.

अमरीकी राष्ट्रपति जो बाइडन ते उन्दे रिपब्लिकन प्रतिद्वंदी ते साबका राष्ट्रपति डोनाल्ड ट्रम्प हुंदे बश्कार पैहली Presidential Debate होई। दौने नेताएं अर्थ बवस्था पर रिकार्ड गी लेइयै इक दुए दी निंदेआ कीती। साबका राष्ट्रपति ट्रम्प होरें अपने कार्यकाल दरान अर्थ बवस्था दी स्थिति ते कोविड महामारी कन्नै निब्बड़ने दे बारे च अपने कार्यकाल दरान कीते गेदे कम्में दा जिक्र कीता। राष्ट्रपति बाइडन होरें कोविड महामारी दरान अर्थ बवस्था दे कथित माड़े-प्रबंधन लेई उस बेल्ले दी ट्रम्प सरकार गी दोषी करार दित्ता। बाइडन होरें आखेआ जे उनेंगी इक ऐसी अर्थ बवस्था थहोई ही जेड़ी तबाह होई चुकी दी ही ते बेरोजारी दी दर 15 प्रतिशत दे खतरनाक स्तर उप्पर ही। एहदे परते च ट्रम्प होरें दावा बन्नेया जे उंदी हकुमत दरान अमरीका दी अर्थ बवस्था पूरी दुनिया च सब्बनें शा बड्डी ही।

<><><><><><>

MSME-Schemes

लौहकी, भलेया लौहकी ते दरम्याने दर्जे दी इकाइयें दे केंद्री मंत्री जीतन राम मांझी होरें कल नमीं दिल्ली च विश्व एम.एस.एम.ई ध्याड़े पर 2 नमिएं योजनाएं दी शुरूआत कीती। एम.एस.एम.ई टीम परियोजना दा मकसद 5 लकख लौहकी ते भलेयां लौहकी इकाइयें लेई डिजिटल बपार ताईं ओपन नेटवर्क बनाना, एहदे अलावा यसस्विनी अभियान दा मुख मकसद महिला उद्यमियें गी जरूरी मदाद उपलब्ध करोआना ऐ। इस दौरान उद्यमी भारत कार्यक्रम गी संबोधित करदे होई मांझी होरें आखेआ जे तेजी नै बदलदे इस परिदृश्य च एम.एस.एम.ई गी तकनीकें ते डिजिटल बक्खी अगगे बदना पौंग।

मी०या कन्ने गल्ल करदे होई माझी होरें आखेआ जे सब्बनें थमां पिछडे तबकें दे मानकें गी विकास ते उद्यमिता दे बक्खी अग्गे आनना स्हाढा मुख मकसद ऐ।

<><><><><><>

Cricket

भारत नै आई.सी.सी टी-20 क्रिकेट विश्व कप दे दुए सेमीफाइनल च इंग्लैं गी 68 रन्जें कन्ने हराइयै फाइनल च थाहर बनाई लैती ऐ। कल रातीं गुयाना च होए दे मुकाबले च इंग्लैं नै पैहले टा जित्तियै गेंदबाजी दा फैसला लैता। भारत नै 20एं ओवरें च 7 विकटां मुहाइयै 171 रन्ज बनाए। कप्तान रोहित शर्मा नै सब्बनें शा मते 57 रन्ज बनाए। बरखा करी प्रभावित होए दे मैच च सूर्य कुमार यादव नै 47 रन्ज ते हार्दिक पां०या नै 23 रन्जें दी पारी खेड्ठी। इंग्लैं दी तरफा क्रिस जाइन नै 3 विकटां जिसले के रीस टाप्ले, जोफरा आर्चर, सैम कुरन ते आदिल रशीद नै 1-1 विकेट लैती। 172 रन्जें दे लक्ष्य दा पिच्छा करदे होई इंग्लैं दी टीम 16 ओवरें ते 4 गेंदें च गै ढेर होई गई। हुन फाइनल च भारती टीम दा मुकाबला कल बारबा०स च दक्खन अफ्रीका कन्ने होग। भारती टीम त्री बारी टी-20 विश्व कप दे फाइनल च पुज्जी ऐ।

<><><><><><>

Kiran-Pahal

भारती ट्रैक एथलीट किरण पैहल नै अगले म्हीने पेरिस च होने आली ओलंपिक खेड्ठें लेई महिलाएं दे 400 मीटर द्रौड़ मुकाबले लेई क्वालीफाई करी लैता ऐ। हरियाणा दी 24एं बरें दी किरण होरें कल पंचकुला च आयोजित राश्ट्री अंतर-राज्य सीनियर एथलेटिक्स चैंपियनशिप दे सेमीफाइनल च 50 इशारिया 9-2 सकेंटें च एह द्रौड़ पूरी कीती।

ओलंपिक च दाखले लेई मानक समें 50 इशारिया 9-5 सकेंट ऐ। किरण होर महिलाएं दी
400 मीटर द्रौड़ च हिमा दास हुंदे बाद दुई सब्बनें शा तेज भारती एथलीट बनी गेइयां न।

<><><><><><>